



# सानसेयारि बड'सा

सानसेयारि 'बड'सा' खौरालाइया  
समानयारि जिज्जो लोब्बा थानाय रायथाय, खन्थाय,  
सल', सल'बाथा आरो बावबायारि थाववि, पार्क  
बाइदिनि सायाव लिखनाय लिखिबां देथाय हर/  
सानसेयारि 'बड'सा' खौरालाइया खेबखानाबे  
फोसावगेज्ज/  
बड'सायाव लिखनायनि हुदा खालाम,  
'बड'सा' खौरा थोथो, जो बयबो आंगो खालाम/  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Saturday ★ 12 August, 2023 Kokrajhar, BTC, Assam ★ Vol.- 33, Issue No. 139 ★ R.N.I.Regd. No. 40994/91, Assam Govt.Regd.No.IPRD.40/2006/3, ★ Rs.8/-

## बिसायख'थि आयगआ आसामनि फिन बियाब दाफामफिनायनि जोबथा फारिलाइखौ फोसावबाय माखासे बियाबफोरनि मुंफोरखौ सोलाय-सोल' खालामदों

गुवाहाटी, 11 आगस्ट: भारतयारि बिसायख'थि आयग (इलेक्सन कमिसन अफ इन्डिया) आ आसामनि बियाब दाफामफिनायनि सोदोनाय फारिलाइखौ फोसावबाय। दिने फोसावनाय फारिलाइ बायदिथे आसामनि दर 19 बिधान सभा बियाबनि मुंखौ सोलायनाय जादों। लोगोसेनो दरसे लकसभानि मुंखौबो गोदाने मुं होनाय जादों। गोदान फारिलाइ बायदिथे बिधान सभानि मासिआ दर 126 आरो लकसभानि मासिया आगुनि बायदिनो दर 14 आनो थागोन। नाथाय ड्वाटआव फोसावनाय बायदिनो बेनिनो माखासे बियाबनि मुंखौ सोलायनाय जादों। मख'नो गोनांदि, दिने फोसावनाय फारिलाइनि माखासे गोनांथार दाथायफोर जाबाय- 1. एससि बिधान सभानि मासिखौ दर 8 निफ्राय दर 9 सिम बांहोनाय जादों, लोगोसेनो एससि बिधान सभानि मासिखौ दर 16 निफ्राय दर 19 सिम बांहोदों। 2. सोनाब कार्बि आल जिल्लायाव दरसे बिधान सभानि मासिखौ बांहोनाय जादों। 3. बड'लेन्डनि जिल्लाफोराव बिधान सभा बियाबखौ दर 11 निफ्राय 15 सिम बांहोबाय। 4. डिपु आरो कक्राझार संसदयारि मासिखौ एससिनि थाखाय संरेखाथिनाय जादों। 5. संरेखाथिनाय लखिमपुर लकसभा बियाबखौ लाखिनाय जाबाय। 6. धेमाजि जिल्लायाव दरसे बिधान सभा बियाबखौ संरेखाथिनायनिफ्राय उदां खालामनाय जादों। 7. डिफु लकसभा बियाबखौ एससिनि थाखाय संरेखाथिनाय जादों। 8. बराकनि दरथाम जिल्लायाव लकसभा बियाबआ दरनैयानो थागोन। 9. काजिरडा मुनि गोदान लकसभा सोजिनाय जादों। लोगोसेनो गवर्धनाखौ मानस मुंजों गोदान बिधान सभा बियाब थि खालामनाय जादों। मख'नो गोनांदि, भारतयारि बिसायख'थि आयगआ दिने सुबुं थान्दै आइन 1950 नि दफा 8-

(□ 5 बिलाइआव)

## माहारियारि बेडमेन्टन एक्सेलेन्स मिरु बेखेवनाय आरो आमिनगाव इन्डर स्टेडियामआव उदां गेलेमुथिलिखौ भासुंयेलि अन्थाइ खाम्फा गायसन्दों गिबि मन्थिआ गेलेमुनि गुदि-बिथा जौगाखां होनो गुबुन गुबुन बिथांखिफोर मावफुंगसिनो दड राइज्यो सरकारआ : ड० हिमन्त विश्व शर्मा

दिसपुर, 11 आगस्ट: गेलेमु बिथिडव जौगाखां होनो थाखाय आसाम सरकारनि बिबान गोनां महेरे साबगा-हामगा दिन्थिनायखौ लोब्बा लानाने दिने गिबि मन्थि ड० हिमन्त विश्व शर्माआ गुवाहाटी आमिनगावआव माहारियारि गोजौ थाखोनि बेडमिन्टन मिरुखौ बेखेवनायजों लोगोसे 320 कौटि रं बाहायनाने आमिनगाव गेलेमु बिथांखियाव बेखेवनाय हाबाफारियाव भासुंयेलि अन्थाइ खाम्फा गायसन्दों। मख'नो गोनांदि, माहारियारि बेडमेन्टन गोजौ थाखोनि मिरुयाव मोन 16 कट, मोन 3,553 मासि गोनां, थानो हानाय खाबुजों लोगोसे बायदि



खाबु गोनां 40 रोजा बर्गफुट बेखेवनाय थानाय भारतनि गिबि बे डेमिन्टन मिरुआ बेडमिन्टन गेलेनाय आरो बादायलायनायनि बिथिडव गेलेगिरिफोरनो मोजां थासांरि होगोन। आमिनगाव स्पर्टस प्रजेक्टयाव उदां गेलेमुथिलिआ 30,634 बर्ग मिटर ओम्सलखौ लाफानाने 20 रोजा मासि गोनां उदां गेलेमुथिलिआ राइज्योनि गेलेमु बिथिखौ जोबोद गोखों खालामगोन। कचफोरजों लोगोसे गेलेगिरिफोरनि थाप्रा न'नि राहा थानाय गोदान मुगानि दाथायजों लुफुजानाय बे बिथांखिया। बे हाबाफारियाव गिबि मन्थिआ

(□ 5 बिलाइआव)

## साहा मावफारियाफोरनि गुबुन गुबुन जेंनाखौ सुस्रानांगीनि दाबिजों 1 घन्टा सोमावसारदों



सालबारि, 11 आगस्ट: बाक्सा जिल्लानि सालबारि महकुमानि सिडव थानाय फातेमाबाद साहा बागान सामब्लाय मावखुलिनि मोखाडाव फातेमाबाद साहा बागाननि मावफारियाफोरनि गुबुन गुबुन जेंनाफोरखौ सुस्रानांगीनि दाबिजों दिने आसाम साहा मावफारिया संघनि फातेमाबाद साहा बागान दालाइ आरो आदिबासि फरायसा आफादनि बासबारि दखरा आफादनि

(□ 5 बिलाइआव)

## बेराम उदां बिटिआर बिथांखिनि गेजेरजों गं 20 एम्बुलेन्स रान्दों

नंगुबै थागिबिफोरनो हानि पाट्टा होनाय जागोन: प्रमद बर'

कक्राझार, 11 आगस्ट: हादत उदांखिनि सिगां बिटिसिनि देहा खोन्दोजों लोगोसे बिटिआरनि राइजो-राजाफोरनि थाखाय मोनसे मोजां खौरां लाबोदों। दिने कक्राझारआव बेराम उदां बिटिआर बिथांखिनि गेजेरजों गासै गं 20 एम्बुलेन्सखौ रान्नाय जायो। लोगोसे बे बिथांखिनि सिडवको सा 2 रोजा मुलाम्फागिरिफोरनि गेजेरव सेकखौबो रान्नाने होयो बिटिसिनि गहाइ मावफुं सोद्रोमा प्रमद बर' आरो देहा बिधाननि मावफुं सोद्रोमा अरुष कुमार देआ। मख'नो गोनांदि, दिने एम्बुलेन्स आरो सेक



रान्नाय हाबाफारियाव बिटिसिनि गहाइ मावफुं सोद्रोमा प्रमद बर'आ बेराम उदां बिटिआर गायसन्दों थाखाय बिटिसि सरकार गोनोथि होदों होनाने फोरमायो। बिथाड बुडोदि, हादतनि माखासे सरकारी नडे फसंथानफोर बिटिसिनि देहा खोन्दोयाव खामानि मावनो थाखाय सिगां बोदों। बेनि गेजेरजों बिटिआरनि राइजो-राजाफोरनि मोजां फाहामथायनि होनायाव मदत खालामगोन होनाने बिथाड बुडोदि, कामरुप जिल्ला पुलिसनि नोजोरनिफ्राय गोजामसिन जिल्ला। गं 14 पुलिस थाना, गं 12 आउट परस्ट आरो गं 5 पेट्रुल परस्टजों कामरुप जिल्लानि पुलिस हान्जाया दाफुं जादों

(□ 5 बिलाइआव)

## रौनिया हान्जाया मोनबा गोदान कामान्ड' बेटेलियननो फोरंथाय होदों : गिबि मन्थि



दिसपुर, 11 आगस्ट: गिबि मन्थि ड० हिमन्त विश्व शर्माआ दिने आमिनगावआव कामरुप जिल्ला पुलिस बिबानगिरिनि अरायथा मावखुलिनि अन्थाइ खाम्फा गायसन्दों होयो। मख'नो गोनांदि, डिब्रुगड जिल्लानि दुलियाजानआव खुनाय पुलिस बिबानगिरि समिलनाव कामरुप जिल्ला पुलिस बिबानगिरिनि मावख' लुनो थाखाय थांखि लानाय जादों। बे थांखि बादिथेनो मावख'खौ गासै 3.66 कौटि रं बाहायनाने लुनाय जागोन। बेनि लोब्बाथे खुनाय मेलाव बिबुंथि होनाने गिबि मन्थिआ बुडोदि, कामरुप जिल्ला पुलिसनि नोजोरनिफ्राय गोजामसिन जिल्ला। गं 14 पुलिस थाना, गं 12 आउट परस्ट आरो गं 5 पेट्रुल परस्टजों कामरुप जिल्लानि पुलिस हान्जाया दाफुं जादों

(□ 5 बिलाइआव)

## बड'लेण्ड मुलुगसोलोंसालिनि जेंनाखौ लानाने आसामनि राइजो बेंगिरिजों सावरायदों बर' थुनलाइ आफादआ

कक्राझार, 11 आगस्ट: थानाय बावथेसो सान सिगांनिफ्रायनो बड'लेण्डनि बिखायाव थानाय बड'लेण्ड मुलुगसोलोंसालियाव फरायसाफोरनि रिजाल्टनि जेंनाखौ सुस्रानांगी आरो भाइस चेन्सेलर खौ बिबाननिफ्राय बोखारनांगीनि दाबिजों बर' हरिनि बायदि माहारियारि आफादफोर



गुबुन समाव गुबुन हाबाफारि लाबोनायखौ जों समाजारि बिजोडव नुबोबाय थादों। दिने फिन बर' माहारियारि आफाद बर' थुनलाइ आफादनि आफादगिरि सुरथ नाजरी बिथानि दैदेनाय मोनसे गोखों हान्जाया आसामनि राइजो बेंगिरि गुलाबचान्द

(□ 5 बिलाइआव)

गसाइगाव, 11 आगस्ट: उदांखि सानआ गेजेरव साननैसोल' दंसे। बे समनि गेजेरवनो दिने गसाइगाव महकुमा सदर सहरनि बिथानिफ्राय एटिएम थगाय-थ'सि खालामग्रा सा 5 दुथां सुबुंफोरखौ पुलिसआ हमनो हायो। मख'नो गोनांदि, गसाइगावआव एटिएम कार्ड सोलायनाय आरो



एटिएमनिफ्राय दिहुनाय रांखौ सिख'ना खारनाय बायदि जाथाया गले-गले सोमजिवाय थानायनि अजद सिखानाय समनि गेजेरवनो दिने मोनसे जर'खा सुलुनि बिथायाव गसाइगाव पुलिस थानानि बिबानगिरि अमरुज्यति बाइलुनि दैदेनायाव पुलिसनि

(□ 5 बिलाइआव)

## बेकी दैसानि सायाव थानाय दमनी दालांआ जायखि-जाया समावनो गिरखंथाव खैफोद सोर्जिनो हागौ



सालबारि, 11 आगस्ट: गोबां हेंथा सोमावसारनायनि फिथाइ महेरे खारिजा बिजनी-बरेपेटा रड फोनोजाव दमनीनि दालाड लुजादोंमोन। नाथाय बे दालाड आधिखालाव जोबोद लोर्बां जाबायदि, पिडब्लिउ बिफानआ दालानि फारिथिजायबो फोसावनाय महेरे परस्टर होनो गोनां जादों। परस्टराव 5 टन लिखथानि गारियाल' बे दालानि साजों हान्था-मेला खालामनो हानावनि लिखनाय दड। नाथाय पिडब्लिउ बिफाननि बे बिथोनमाखौ नेवसिनाय आरो नुनाने नुयै बायदि दिन्थिनाने माखासे अन्थाइ-बाला लाबोनाय गारि आरो

(□ 5 बिलाइआव)

## रामफलबिल दखरा एबसुआ बाथा दान्थे बादायलायनाय हाबाफारि खुंदों

भारतनि 140 कौटि सुबुंफोरनि गेजेरव बर'फोरनिफ्राइबो मोजां बुंथिगिरि सोर्जिनो  
थांखिजों एबसुआ बाथा दान्थे बादायलायनाय हाबाफारि खुंडे: अबित नाजरी

रामफलबिल, 11 आगस्ट: रामफलबिल दख'रा एबसुनि बान्जायनायाव दिने 11 आगस्ट, 2023 ई अक्ट'खालि रामफलबिल गोजौसिन फरायसालिआव रामफलबिल दख'रा दुलाराय बर' फरायसा आफादनि आफादगिरि बिजित कु मार बरहमनि दैदेनायाव 'आदब आरो गुण गोनां सोलोंथायनि मावथांखि' बादिथे दख'रानि बेन्दोंआव थानाय गोजौ आरो गोजौसिन फरायसालिनि गु आरो जि थाखोनि फरायसाफोरखौ



लानाने 'आधिखाल मुगायाव बर' फरायसाफोर इंग्रजि बिजोडव फरायोब्लाल' इयुनाव जाफुंसार जाहैनो हायो' आयदानि सायाव बाप्रा दान्थे बादायलायनाय (Debate Competition) हाबाफारि

खुंनाय जादोंमोन। बे हाबाफारिआवनो मिरु दुलाराय बर' फरायसा आफादनि बुंथिगिरि अबित नाजरीआ आलासि महेरे बाहगो लाफेनाने आधिखालनि बिगियानारि, बिरोंदामारि आरो

गुस्ताइसुला मुगायाव बर' फरायसाफोरखौ फारफोमबो बिथिडव आखा-फाखा जानो थाखाय थुलुगांखांथाव बिबुंथिनि गेजेरजों हाबाफारिखौ बेखेवनाने होलाडे। बे हाबाफारिआवनो मिरु दुलाराय बर' फरायसा आफादनि सुबुं फोनोजाव नेहाथारि सोमदोन ब्रह्म, गेलेमु नेहाथारि, गनेश बसुमतारि, कक्राझार जिल्ला बर' थुनलाइ आफादनि आफादगिरि बिजेल कु मार बसुमतारि, कक्राझार जिल्ला दुलाराय बर'

(□ 5 बिलाइआव)

## गसाइगाव फरायसालिमायाव गोदान माहारियारि सोलोंथाय खांथिखौ जागायजेनबाय



गसाइगाव, 11 आगस्ट: गोदान माहारियारि सोलोंथाय खांथिखौ लोब्बा लानाने दिने गसाइगाव फरायसालिमायाव हाबाफारि बायदिथे फर-फारिया जागायजेनबाय। कक्राझार जिल्लानि गसाइगाव सदर सहरनि गोजौ सोलोंथायनि मिरु गसाइगाव फरायसालिमायाव गोदान माहारियारि सोलोंथाय खांथिखौ लानाने डिग्री थाखोनि सेथि सिमिस्टारनि फरा-फारिखौ जागायजेनबाय फरायसालिमा बिफानआ। गोदान माहारियारि सोलोंथाय खांथि जागायजेनबायखौ लोब्बा लाखिनाने दिने फरायसालिमानि मेल जथुमसालियाव हाबाफारि बायदिथे फर-फारिखौ बेखेवनायजों लोगोसे गोदान माहारियारि

(□ 5 बिलाइआव)





## एप्रिल-नभेम्बर आव आसामनि साहा बागान आरो माखासे दावबायथाव जायगाफोर

दैज्लां बोथोरव अखा हानाय, दै लोमसावनाय आरो हाजोआरि ओन्सोलफोरव हा गिसिखानाय जाथायफोरा बांसिन जायो। बिब्दियाव दावबायनायनि प्लेनि खालामनाय रिक्सनि बाथा जानानै फेयो। हाजोआरि दावबायग्रा माखासे जायगाफोरखौ दैज्लां बोथोरव बन्द' खालामनाय जायो। जाउनाव बबेबा औरेबायदि जायगाफोरव छुट्टि फालिनायनि प्लेनि खालामनो हायो, जेराव बोथोरजौं रंजाफानो हायो। मानोना अखा बोथोरव साहा लोनाय गैयाब्ला माबा आंखाल जानाय बायदि जायो। भारतीयफोरनि



थाखाय साहाया फेभरइट ड्रिंक। साहा मोजां मोनग्राफोरनि थाखाय आथिखालाव टि टुरिस्मनि क्रेजखौ गोबांसिन नुनो मोनबाय, जायनि जाहोनाव दाजिलिं, सिक्किम, आसाम बायदि जायगाफोरव दावबायारिफोरनि होंगो-दोंगोआ बांसिन जाबोने हमदों। बेनि जेजेराव नोंथाडबो मानो गोबाव खालामनो? माखासे सम दिहुनानै साहानि थाखाय आसामआव दावबायनायनि प्लेनि खालामनो हायो। आसामनि साहाया भारतआवल' नडा गुबुन



हादतफोरवबो मिबथिसारजानाय आरो सुबुंफोरजौं अनसाइजानाय। आसामनि मख'जाथावसिन साहा बागानफोर जादों- 1. आसामनि साहाखौ इन्जय खालामनोब्ला डिब्रुगइआव दावबायहेनांगोन। बेयावनि खमैबो 165 साहा बागानफोरखौ नुनो मोनगोन आरो बागानआव सौहेनानै बारहावायावनो साहानि मोदोमनाया गोरोबफलेना थानाय बायदि मोन्दांगोन। लोगोसेनो बैयाव दावबायनायखौ अरायनि गोसोखांथि खालामबावनो थाखाय इराजफोरनि खुंथाइनि समावनो बानायनाय बांगलायावबो थानो

### आनि अन्जालिया खानाय लाम्ब्रेमोन

आनि अन्जालिया समाइनामोन;  
फेयोमोन बियो बरमा कलेजाव थाबायनानै अब्ला आं बिखौ गोरबोनि मेगन खनाजौं थद'नानै नायखुमायोमोन,  
बारव बिरग्लानाय खानाय बिलाय आराव जादोंमोन मोजां मोनज्जालानायनि गोदें देंखो  
आंगोफोरा जंखायदोंमोन अब्ला आं बाथाफोरखौ फांथेदोंमोन,  
शेगैयै अन्जालिखौ गोसो थोदोंमोन अब्ला बिन सोलेराव बिखा गैयामोन।  
अन्नायनि खरसे फुखिनि निजाफोरा राजि लांग'बायमोन;  
अब्ला खानाय लाम्ब्रेमोन अन्जालिया बिमा पारपति महरै नुजाफेदोंमोन,  
जेब्ला बिजौं रायज्जालयदोंमोन सानसेनिफ्राय सानसे मोजां मोन्नायनि दैमुआ बिनफारसे बोहेलादोंमोन,  
अबलाववरिनि सेराव बिन मुडे गसर गाबदोंमोन गुबुना दागोसो

### थार गोसोनि मिजिं थिनाय

थार गोसोनि मिजिं थिनाय आनि  
जिउ गोनां मिजिंनि गोबोंजौं सुजुजानाय,  
नोंनो फोरमायनो दंबावो गोबां सोदोब।  
आनि मेगननि नोजोराव नों,  
नोंनि थार अननायजौं  
दानो आं लुबैयो संसार।  
होयोब्ला नों आंनो खावु।  
दंमोन आं फेसालि होसो होसो लामा नायना  
नोंजौं संसार जानो मोनगोन मिजिं जौं।  
दाबोने आनि गोरबो गोसो आ खुदिकैयो  
नोंनो मोजां मोन्नायनि खोथा फोरमायनो।  
गोदान रादाय नोंनिसिम  
नोंनो फोरमायनो दंबावो गोबां सोदोब।  
आनि मेगननि नोजोराव नों।  
बेसेदि सिमां दंमोन  
बेसेबा हाबिलास दंमोन  
आं दिने नोंजौं,  
उदां अखोराडव बिरबाय नायनि  
गोगो लामाजौं आगान सुरनो।  
नाथाय गांखं बुफाय जानाय जिउनि सिमांखौ लाना,  
हाया फोरमायनो नोंनो  
थार गोसो गोरबोनि मिजिं थिनाय आनि।

सनिया बसुमतारी  
ककिला बरगाव, सनितपुर



हागोन। अदेबानि बेनि बुकिं खालामनायाव एसे गोब्राव जायो, नाथाय गोबावनिफ्राय बुकिं खालामनो हागौ।  
2. डिब्रुगइनि अनगायै जरहाट जिल्लायावबो साहानि गोबां बागान दड। बेयाव बल्ड फेमास ट'क्लाइनि टि रिसार्च सेन्टरबो दड, जाय मुलुगनि गोजामसिन आरो देरसिन रिसार्च सेन्टर। बेयाव साहाजौं लोब्बा गोनां गोबां रोखोमनि रिसार्च खालामनाय जायो।



बेयाव साहानि खमैबो 213 रोखोमखौ संदाना दिहुननाय जादों आरो मोन 14 रोखोमनि साहा वेगखौ दिहुननाय जादों।  
3. आसामाव साहा बागाननि अनगायै काजिरख नेशनेल पार्क, कामाक्या मन्दिर, शिबसागर बायदि गोबां जारिमिनारि नोजेरे मख'जाथाव जायगा दड, जेराव दावबायनो हायो। आसामाव दावबायनायनि मख'जाथावसिन समा जादों एप्रिल-नभेम्बर। बे समाव बोथोर आरो मिथिगानि समाइना नुथाइजौं लोगोसे फोर्बोफोरखौबो नुनो मोनो।



सन्देरफेथों  
गेवलांनय बिबार फायलियाव दा सिखिरि बाफैथों।  
मोजां मोनोमोन आं बिखौ आनि जिउनिखुइबो खावसे बिखाखौ बुफुनानै दिन्थिनो आंहा गोहो गैयामोन  
नाथाय बिहाबो बिखा गैजारोड, सुबुस्त्रिनि आखुआ बिनावबो गैजारोड,  
उन्दुनार्यनिफ्राय सिरिमोनखादोंमोन अब्ला आइआ फागुननि बारजौं सिरिगोदान सिथलानि बिलाइफोरखौ सिबसांगासेनो अब्ला आं दाखोर दाला सावसांनो सलाइखाथि नागिरदोंमोन आफानि खर'सायाव,  
जेब्ला सलाइखाथिखौ नागिरफुदोंमोन अब्ला खानाय लाम्ब्रेमोन अन्जालिया जानगारलांवायमोन।

बनमालि दैमारी  
बेनाबारि, बागसा

### आं मोजां मोननाय अनजालिनि

जौमोनादि मानो  
खालामो खालाव-खासाव  
लायमोननि दिदोम गोसोखौ,  
लोगो मोन्नाय दथ'खा लामानि रजे  
नायगिरो आं नोंनि मुं आरो थं सिरि-सिरियै।

आं बोदोर  
जेन' जावलियासो,  
नोंनि गावदां समायना महर  
बर' सिखलानि हारिमु मुस्त्रिजौं  
लांबाय गोरबो गोसोखौ आनि-माब्लाबानो।

गोसोआ हास्थायो  
नोंखौ लोगो मोनफिननो  
दाबोने बावाखै बिन महर, आव-फाव,  
दिनैबो हास्थायखुमायो लोगो मोनफिननो  
अन्दोयै नायगिरखुमायो-आं मोजां मोननाय अनजालिनि थं।

बिहाबो गोसोआव थागोन  
आनि नोजोर होनाय आरो मेगननि इसाराखौ,  
जानो हागौ बि-बो बावनाय नड आनि महरखौ  
आं दामनाय खामनि देंखोजौं बागुरुमबा मोसानायखौ  
दिनैबो नायगिरो आं-आं मोजां मोननाय अनजालिनि मुं आरो थं।

गलाप खुंगुर बसुमतारी  
बसगाव ( सराइबिल ), कक्राझार

## रंजालि गथ'फोरनि सौरा

### दैज्लांनि फोथाराव

दुब्लि गेजेराव थं गसंनानै  
मा सानहाबखो  
माखौ नायगोमो हरखो  
दे आगै  
गोसो होनानै गाइदो दे माइआ,  
जोसा दाउथुनि मोदोमफुनाय  
खहाबगोन आगै  
बानलु बाथोनजौंबो  
माइब्रानि फिथा, सौराय, एन्थाव  
दे आगै नोंनो मोनजा फैगोन,  
जुलिनि समाव  
हिन्जाव गोदान गायनाय जोसा ओंखामजौं  
जाबाय गावनि आन्था थेत्रे  
बुंसोगोन आगै बयनो  
गोजोनगलाय लांगोन राज्योफ्रा  
रायखां रायखां  
गोथार बोर सास्त्रि लांगोन आगै नोंनो।  
दे आदा थिफुदला खोमथा राजा  
हाल एवदों  
गोसोखौ लाखि हाल एवनाइयावनो  
आंखौ नायहर-नायहर हाल एवोब्ला  
आन्थोरा थालांगोन नडब्ला,  
मोननांगौ मोनगोन  
नुनांगौ नुगोन  
आंलाइ नोंनिनो जाखागोन,  
फासा गैयै सिदोब दख'ना  
हाबु नानाय मोखां  
जामबा जाबायना! नों नायहरबाय थानो।

थोद जामवि  
नुफेरैखायसो नायदों  
नोंनि आदें मद'  
खावलायाव नानाय हाबुखौ  
फुगारनानै होगौ नंदों  
थिं थिं सान्दुं दुंदों  
साथा हमनानै होगौ नंदों  
हाल एवनाइखौ दोनथ'नानै  
थांथावा माथावा जादों,  
माब्लाथो थाफेरदों नाया लासे  
थायोब्ला खाथियाव  
माब्लाथो थाफेरदों अना लासे  
बुब्बियाव नोंनि खस्थ' खालामनाय।

बेवाइ जागोन दं नोंनि सेराव  
आब' जागोन दं आनि सेराव  
बुर्जा नडब्लाबो दे लाजिदो इसे,  
बेवाइया एवदोंमोन नोंनि सिगाडव  
बेवाइया थाबाय नोंनिसो उनाव  
दे आदा मोसोवा दाब्रायदो  
नडब्ला हनै एवखांसे उनाव  
बेवाइनि हालिसे हालुवाफ्रा।

दे आगै जाथ' सिगोन  
दै गरथसे लोनानै लादो  
सडे-खावै, जायै-लोडै  
आदा-बाजै, नों आरो आं  
जयैनो रायज्जालय होनज्जालय गायफैदिनि,  
लासै लासै बयबो  
गावाबागाव न'आव आगान सुरबाय  
दाउब'फ्राबो आदार जाखानानै  
हान्जा लायै हान्जा थाबाय  
थौदो आगै न'आव थांदिनि।

-सरन बसुमतारी  
12 नं महनपुर, बिसमुनि, कक्राझार

### सिखिरि फागोला

गुननि जावलिथा बारजौं  
बुब्बिं जानाय आं.....  
मासे सिखिरि फागोला।  
हास्थायदों बिदै सोबनो  
समायना बिबार बागाननि।  
जाय बिबरनि बागानाव .....  
आं हाया थानो।  
समायना-रमायना बे बिबार बागाननि  
मोदोमनाय बिबारनि फाइलि  
बेसेदि हाबिला जादों बिदै सोबनो।  
गोसो जादों बिबारनि सा-सा .....  
बिरबाय-बिरबाय बेयाव-बैयाव बाना  
बिबारनि गोदें बिदै सोबनो।  
सिखिरि फागोला आं.....  
बहाथो हानो बिरलानो  
बै समायना बिबार बागानसिम।

बेलारोम बसुमतारी  
फखालागि, कक्राझार

### सहैगोन आं माबोला

आनि थांखि आरो मिजिसिम  
सहैबावगोन आं माबोला  
बेसे गोजान दंबावो दालाय  
मोनहैनो आं बै थांखिखौ।  
बोलो मोना-मोना मोन्दों आं हास्थिलानो  
देहा मोदोम मँग्लिनाय मोन्दों आं थाबायनो  
रिउ-रिउ बेसेबा गोजान  
नुदुरसैल' नोंनि बै गोखौ थिखिनिखौ।  
आं नागाराखै नाथाय अब्लाबो  
हास्थिलानो नोंनि सेराव सहैनायनि  
गोसोवासो सम-सम मानोबा  
मँग्लिनाय देहाखौ लाना  
हाया-हाया मोनो आगान सुरलानो।  
थेवबो आं थद'नानै थायाखै  
मेंदोंब्लाबो आं बिफांसिडव जिरायना थायाखै  
थांखिया बेल'नो लोगो मोनगोन माब्ला नोंखौ सेराव  
बबे समाव आं नोंखौ मोनहैगोन खाथियाव।  
नाथाय सम-सम लोरबां गोसोखै नुना  
हैथा होयो लोरबां सुबुनि थांखि लानाय  
हैथा होयो गोरिबथिनि सिमां मिजिं जाफुनाय।  
हास्थिगोन अब्लाबो आं सिरियै  
जाफुंगोन सानसे थांखि आरो मिजिं लानायफ्रा  
अब्लानो गोजोनै थागोन आलो-आलो आंबो  
गोजोन नखर दालांगोन आंबो अब्ला।

बेलारोम बसुमतारी  
फखालागि, कक्राझार

### टेट्रिकटिस खस्थाइ

जिउ  
गोथां  
बिलियाव  
नुनो मोनो  
सुबुड सुबुजौं मोनसा मोनसि

जिउ  
गोथां  
बिलियाव  
नुनो मोनो  
दुखार सुबुंखो मुगै सुगै

जिउ  
गोथां  
बिलियाव  
दं सोरबाया  
दैमा गंसे मोदैन बोहेनाय

जिउ  
गोथां  
बिलियाव  
नों मोनथारगोन  
दुखुनि दाहानि बिलिर फेनाय

जिउ  
गोथां  
बिलियाव  
नों गावखौनो  
सुखार सुबुं होनना दा सानसि

जिउ  
गोथां  
बिलियाव  
नों रावखौबो  
खालामनो नांथारा मुगै सुगै

-रैदोम बर', बाक्सा

### मा बोरै फोरमायबावनो

बेसेबा सान बाबेन लांबाय स'ना  
आं नोंखौ मोजां मोननाया,  
नाथाय र'जे, नों मानो बुजिरोड?  
आनि थार मोजां मोननायनि 'इसाराखौ।  
सान-हर गोसो खाडो, नोंखौल' ख्लाव-ख्लाव,  
नाथाय स'ना, बिखा गाव खुगा गेवा।  
सानो नोंनिसिम लाइजाम हरनो  
नाथाय फागोला गोसोया मानोबा हमथाफिनो,  
मा बोरै फोरमायबावनो आं?  
हाय अनजालि, "नोंखो मोजां मोनो" होनना।

मुश्री शुक राम दैमारी  
फरायसालि- शालबारी सिनिअर कलेज  
जिला-बागसा ( बड'लेण्ड )



## टाइगार श्रफआ दिशा पाटानिजों ब्रेकआप जानायनि उनाव दिशा धानुकाखौ डेट खालामदों

टाइगार श्रफआ गावनि फिट फिजिकखौ लानाने खौराडाव थाबाय थानायनि अनगायैबो गावनि लाभ लाइफखौ लानानैबो खौराडाव थाबाय थायो। दासिमाव बिन मुडा दिशा पाटानिजों लाभ एफेयार आरो ब्रेकआपनि जाहोनाव खौराडाव थारोंमोन। नाथाय आधिखालनि खौरांनि बायदिब्ला टाइगारआ आरोबाव मोजां मोननायाव गोग्लेदों। बियो दिशा धानुका मुंनि सिख्लाखौ देड खालामदों आरो बिसोर सानैआ से खावसे बोसोरनिफ्राय सोमोन्दोआव दड। आधिखालाव बे खौराडाव साफ्रोमबो दिशा धानुकांनि सोमोन्दे बांसिनै मोनथिनो हास्थायो। मीडिया रिपर्टनि बायदिब्ला थानाय बोसोरनि जुन-जुलाइ दाननिफ्राय टाइगार आरो दीशाय लोगोसेवै डेट



खालामदों। आधिखालाव थारैने दिशाय सोर? बिबो बलिउड आरो एक्टिजोंने सोमोन्दो दड नामा? बेनि सोमोन्दे सोंथि सिखादों। जाय खौरांखौ मिडिया रिपर्टआव सेबखादों, बेनि बायदिब्ला बियो मोनसे प्रडाकशन हाउसआव माबेबा गोजै पजिशनआव दड। बिसोर सानैआ माब्ला आरो माबोरै लोगो मोनलाया आरो माबोरै

बिसोर सानैआ खाथिनि सोमोन्दे फेखो बेखौ आधिखालाव मोनथिनाय जायाखै। नाथाय फोरमायनाय जादोंदि दिशा पाटानिजों ब्रेकआप जानायनि माखासे

दाननि उनावनो टाइगारनि जिउआव दीशाय फेदों। थानाय बोसोराव करण जौहरनि स्वे कफि विद करणआव टाइगार श्रफआ गावखौ सिंगल होनना फोरमायदोंमोन आरो बेनि

सिगांनिफ्रायने दिशाजों बिन ब्रेकआप जानायनि खौराडाव सोराडाव पैदोंमोन। फोरमायनाय बायदिब्ला दिशाय टाइगारनिफ्राय जुलिनि कमिटमेंटखौ हास्थायदोंमोन। नाथाय टाइगारआ गनायाखैमोन। बेनि जाहोनावनो बिसोरो आलादा जायो। आधिखालाव ब्रेकआपनि से खावसे बोसोरनि उनाव जेराव टाइगारनि जिउआव गुबुन सिख्लाखौ इन्ट्री जानाय फोरमायदोंब्ला गुबुन फारसेथिं दिशा पाटानिनि मडबो बिन जरखा लोगोजों सरजाबदों। जायजों लोगोसे आधिखालाव दिशाखौ गासै जायगायाववो नुनो मोनो।

## उर्भशि रैतेलाया 3 मिनटनि फावआव 3 कौटि रं बिनायनि जाहोनाव खौराडाव थारों

बलिउड फावखुंघ्रि उर्भशि रैतेलाया सम सम गावनि ग्लेमार्स आरो बल्ड लुक्सनि थाखाय सशोल मिडियाआव साग्लोबसारानै थायो। कान्स केस्टिभेल 2023 आवबो उर्भशिआ गावनि फेशननि औरैबायदि दोहोरौ दिन्थिदोंमोन, जायखौ मुलुगनाडै सुबुंफोरा गोबां बाख्नायदोंमोन। नाथाय बे खेबआव फावखुंघ्रिया समायना महरनि अनगायै 3 मिनटनि फावदिन्थिनायनि थाखाय 3 कौटि रंनि फिसखौ बिनायनि खौराडाव थारों। रिपर्टनि बायदिब्ला उर्भशि रैतेलाया साउथनि मोनसे रिलिज जानो गोनां सावथुनआव स्पेशल नाम्बार खालामनो अफार मोन्दों, जायनि थाखाय फावखुंघ्रिया 3 कौटि रंखौ डिमान्त खालामो। एन्टारटेन्मेन्ट खौरांनि बायदिब्ला उर्भशि रैतेलाया साउथ मेगास्टार चिरंजिभिनि सावथुन वाल्टेयर धिरय्याआव पारफर्मै न्स खालामनो थाखाय 2 कौटि रंनि फिसखौ लादोंमोन। रिपर्टनि बायदिब्ला, फावखुंघ्रिया बयापति श्रीनु-राम पथिनेनि अनटाइटेल्ड सावथुनआव आइटेम नाम्बारनि थाखाय सोमोनांथाव रंखौ बिदों।



फोरमायनाय बायदिब्ला, जुदि उर्भशिया डिमान्त खालामनाय 3 कौटि रंनि फिसखौ मोनोब्ला बियो दासिमनि बयनिखुड बांसिन रं मोनो हानाय फावखुंघ्रि जागोन। मानोना दासिमाव 1 मिनटनि पारफर्मैसनि थाखाय 1 कौटि रंखौ रवबो फावखुंघ्रिनी होयाखै। फावखुंघ्रि उर्भशि रैतेलाया 2013 आव सावथुन सिं साहेब दा प्रेटजों बलिउड डेब्यु खालामदोंमोन। बे सावथुनआव उर्भशिया सानि देअलजों लोगोसे रिक्कन शोयार खालामदोंमोन। उनाव फावखुंघ्रिआ 2014 आव कन्तड इन्डस्ट्रीआव सावथुन मिस्टार एयारवाताजों डेब्यु खालामदोंमोन। उर्भशि रैतेलाया बलिउडआव सनम रे, प्रेट प्रेट मस्टी, हेच स्टिर 4, पागलपनि बायदि माखासे सावथुनफोराव गावनि दोहो गोनां आखुखौ

दिन्थिदों। मख'नो गोनांदि, फावखुंघ्रिया 2022 आव सावथुन'दा लेजेन्ड' जों तामिल इन्डस्ट्रीआवबो डेब्यु खालामदों।

## प्रभास आरो कृति सेनननि सावथुन आदिपुरुष'आ अटिटिआव रिलिज जाबाय

प्रभास आरो कृति सेनननि सावथुन'आदिपुरुष'आ 2023 नि बयनिखुड बांसिन सावथुनजागोनफोरनि गेजेराव मोनसे। गोबां रंनि बाजेटआव बानायनाय बे सावथुनजों मेकार्सआ गोबां आसा खालामदोंमोन, नाथाय रिलिजनि उनाव आदिपुरुषआ मोजां रं आरजिनो हायाखै। आधिखालाव रिलिजनि 2 दाननि उनाव आदिपुरुषखौ अटिटिआव स्ट्रिम खालामनाय जाबाय। जुदि नोंथाडाबो बे सावथुनखौ नायनो गोसो जादोंब्ला सावथुनखौ माब्ला आरो बबेहाय नुनो मोनगोन बेखौ मोनथिनो हागोन। प्रभास आरो कृति सेनननि आदिपुरुषआ 26 जुनआव थिएटरफोराव रिलिज जादोंमोन। आधिखालाव फोसावालासेनो सिरिथे सावथुनखौ अटिटिआव रिलिज खालामबाय। आदिपुरुषखौ शुक्रबार एबा 11 आगस्टआव मोन 5 रावफोराव



अटिटिआव रिलिज खालामनाय जादों। नाथाय टुइस्टआ बेदि सावथुनखौ मोननै आलादा आलादा अटिटि प्लेटफर्मआव स्ट्रिम खालामनाय जादों। आदिपुरुषखौ हिन्दी आरो तेलुगुआव शूट खालामनाय जादोंमोन। फारसेथिं गुबुन रावफोराव सावथुनखौ राव दानस्तायनाय जादोंमोन। आदिपुरुषनि मलयालम, तेलुगु, तामिल आरो कन्नेडनि राव दानस्तायनायखौ एमाजन प्राइम

भौडिआव स्टिम खालामनाय जादों, जेराव आदिपुरुषनि हिन्दी राव दानस्तायनायखौ नेटप्लक्सआव रिलिज खालामनाय जादों। आदिपुरुषआ धोरामारि बिजाब रामायणनि सायाव बिथा कालामनाय मोनसे माइथ'ल'जिके ल ड्रामा। सावथुनखौ अम रउतआ बिथोन होदों। फारसेथिं भुषण कुमारनि कम्पानि टि-सिरिजनि वेनारनि सिडव प्रिडिउस खालामनाय जादों। आदिपुरुषआव प्रभासआ

राघव आरो कृति सेननआ जानकिनि फाव खालामदों। फरसेथिंसेफआलि खानखौ ल्किश (रभण) नि फावआव नुनो मोन्दों। बेनि अनगायै आदिपुरुषआव सानि सिंआ शेष (लक्ष्मण), देभदत नागआ बजर (हनुमान), भत्सल शेठआ इन्ड्रजित (मेघनाद), सनल चौहानआ मन्ददरि, सिध्दन्त कार्णिकआ विभिषण, कृष्ण कट्टियनआ दशरथ आरो तूफि सिडव प्रिडिउस खालामनाय फाव खालामदों।

## यारिया-2 नि टिजारआ रिलिज जाबाय




सिक्वेल सावथुनफोरनि ट्रेन्डखौ फल' खालामनानै आधिखालाव यारिया-2 नि टिजारखौबो सशोल मीडियाआव रिलिज खालामनाय जाबाय। यारिया-2 नि टिजारआ भीडिअआव दिब्या खसला कुमारजों लोगोसे पल्लं भि पुरि आरो मिजान जापरियाआ गावनि समायना फावजों फेन्सफोरखौ इम्फ्रेस खालामदों। यारिया-2 आव बे खेबआव खाथिनि सोमोन्दो थानाय सुबुंजों लोगो जानायनिफ्राय लानानै साबसिन लोगो जानायनि सल'खौ दिन्थिनाय जागोन। इम'शन्स

आरो ड्रामानि कम्बिनेशवखौ यारिया-2 आव नुनो मोनगोन। यारिया-2 नि टिजारनि जागायजेनायाव सासे सुबुंखौ फ्लाइअवारआव खारनाय नुनो मोनो। उनाव पार्लं भि परि'खौ हौवा गोदाननि महराव नुनो मोनो आरो सिनआ सोलायनाय लोगो लोगोनो दिब्या खसला कुमार आरो मिजान जापरिखौ हाजो गेजेराव बाइकआव नुनो मोनो। फारसेथिं बेकग्राउन्डआव गारं खोनानो मोनोदि' नख'रनि सुबुंजों लोगो जानो थाखाय जिउआव खनसे खाबुखौ होयो नामा? जायनि सायाव नडा होनना खर' सोमावो। मख'नो

## बलिउडआव माखासे स्टारफोरा गाव गावनि सावथुननि थाखाय एसेबो रं

बलिउड आव माखासे औरैबायदि स्टारफोर दड, जाय फिसा-फिसा फावनि थाखायबो फिसखौ कौटि कौटि रं लायो। फारसेथिं माखासे औरैबायदि स्टारफोर दड, जायफोरा गिदिर गिदिर फावनि थाखाय एसेबो रंखौ मेकार्सनिफ्राय लायाखै। दिने बेबायदिनो स्टारफोरनि सायाव बाशा सावथुनगोन, जायफोरा गासै सावथुन एबा केमिय' फावखौबो फ्रियाव खालामदों। (1) शाहरुख खान: बावैसो समाव मोनसे इन्टारभिउनि समाव करण जौहरआ



फोरमायदोंदि सावथुन 'ब्रहमास्त्र'नि थाखाय शाहरुख खानआ एसेबो रंखौ

लायाखैमोन आरो रणाभर कापुरनि 'ब्रहमास्त्र'आव बेसेन लायाजासे फाव खालामदोंमोन।

(2) राजकुमार राव: बलिउड फावखुंघ्रि राजकुमार रावआ मोनसे इन्टारभिउआव गाववो

फोरमायदोंदि गाव ट्रेड सावथुनखौ बेसेन लायाजासे खालामदोंमोन। लोगोसेनो फावखुंघ्रिआ बुंदोंमोनदि माखासे सावथुनफोरा बक्स अफिसनि अनगायै जिउनि थाखाय जायो। (3) सलमान खान: रिपर्टनि बायदिब्ला शाहरुख खाननि सावथुन पाठानआव सलमान खानआ बेसेन लायालासे केमिय' फाव खालामदोंमोन। सलमान खानआ बेखौ गावनि लोगो शाहरुख खाननि मोजाडै फे फिननायनि थाखाय

खालामदोंमोन। (4) शाहिद कापुर: इन्टारटेन्मेन्ट खौरांनि बायदिब्ला शाहिद कापुरआ सावथुन हैदारआव बेसेन लायाजासे फाव खालामदोंमोन। शाहिद कापुरआ खालि बे फावखौल' दिन्थिनो हास्थायदोंमोन, बिनियाव सावथुननिफ्राय जेबो रोखोमनि लुबैनाय गैयामोन। (5) दीपिका पादुकण: रिपर्टनि बायदिब्ला दीपिका पादुकणआ गावनि गिबि बलिउड सावथुन 'अम शान्ति अम'नि थाखाय एसेबो रं लायाखैमोन।

## गाहाम देहानि राहा

### सुमफ्राम फिथाइआ हाइ ब्लाड प्रेशारखौ कन्ट्रल खालामनायनिफ्राय लानानै मेगननि नुथाइखौबो बांहोयो

सुमफ्रामआ स्वाद गोनां जानायजों लोगोसे देहानि थाखायबो मुलाम्फा गोनां जायो। माखासे सुबुंफोरा सुमफ्रामनि सायाव मस्ला आरो संखि सारनानै बे फिथाइखौ जायो। बे फिथाइआ फिसा फिसा बेगरफोरजों बुंफननाय। बेनि स्वादआ गोदै जायो। सुमफ्रामआ गुसु जायो, जायखौ उदैन थाखाय गुणफोरखौ मोन्नो हायो। बेवहाय भिटाभिन-सि, लाइक'पिन आरो एन्टी अक्सिडेन्ट गुणफोरखौ थोजासे बिबाडाव मोन्नो हायो। जाय देहानि अनगायै बिगुरनि थाखायबो मुलाम्फा गोनां जायो। सुमफ्रामआव थानाय पेटेशियामआ ब्लाड प्रेशारखौबो सरसनस्त्रा खालामनायाव मदत होयो। सुमफ्रामआव भिटाभिन सिखौ गोबां मोन्नो हायो। बेवहाय खमलाजों रुजुयोब्ला भिटाभिन-सिखौ 4 गुण बांसिन मोननाय जायो, जाय इमिउन सिस्टेमखौ गोखौ खालामो। बेजों नोंथाडा गोबां रोखोमनि इन्फेक्सन आरो बेरामफोरनिफ्राय रैखाथि मोन्नो हायो। बेनि अनगायै सुमफ्रामआ नोंथानि मेगनखौबो मोजाडै लाखियो। सुमफ्रामआव फाइबरखौ गोबां बिबाडाव मोननाय जायो। बेनि ग्लाइसेमिक इन्डेक्सआवो



बाडाइ जायो। बे फिथाइआ डायबेटिजनि बेरामिफोरा मुलाम्फा गोनां जायो। बेयो ब्लाड सुगारखौ कन्ट्रल खालामनायाव मदत होयो। जुदि नोंथाडा डायबेटिजनि बेरामिब्ला गावनि डाइटआव सुमफ्रामखौ लाफादेरनो हागोन। सुमफ्रामआव सडियाम आरो पेटेशियामखौ थोजासे बिबांनि मोन्नाय जायो, जाय हाइ ब्लाड प्रेशारनि बेरामिफोरनि थाखाय मुलाम्फा गोनां मानिजायो। बेयो हाइ ब्लाड प्रेशारखौ कन्ट्रल खालामनायाव मदत खालामो। सुमफ्रामआ ट्राइग्लिसराइड आरो गात्रि कलेस्ट्रलनि थाखाय बाडाइ खालामनायाव मदत होयो, जायजों नोंथाडा बिखाजों सोमोन्दो गोनां बेरामनिफ्राय रैखाथि मोन्नो हायो। सुमफ्रामआव गुबुन फिथाइनि रुजुनायाव फाइबरनि बिबाडा बांसिन थायो, जाय दोगोनखौ

मोजाडै लाखियो। जुदि नोंथाडा दोगोनजों सोमोन्दो गोनां जेनाजों भुगिनांदोंब्ला सुमफ्रामखौ गावनि डेलिं डाइटआव लाफादेरनो हागोन। सुमफ्रामआव भिटाभिन-एखौ थोजासे बिबांनि मोन्नो हायो, जायखौ मेगननि थाखाय गोनां थार जायो। बेखौ जानायजों मेगननि नुथायाव सोलायनाय फेयो। बेयो मतियाबिन्डनि जेनाखौ बाडाइ खालामनायाव मदत होयो। सुमफ्रामखौ गोबांआव थानाय आइजोनि थाखायबो गोबां मुलाम्फा गोनां मानिनाय जायो। बेवहाय थानाय फलिक एसिड एबा भिटाभिन बि-9 आ गोबांआव थानाय आइजोफोरखौ गाहामै लाखिनायाव मदत होयो। बेयो गोबांआव थानाय गथ'नि नारभास सिस्टेमखौ जौगाखां होनायाव मदत होयो।

## उत्तर प्रदेश, बिहारजो लोकोसे माखासे राइज्योफोराव दिने अखा हागोन

गोदान दिल्ली, 11 आगस्ट: हादतनि माखासे राइज्योफोराव थाना गैये अखा हानायखौ नुनो मोनगासिनो दड'. बोथोर बिफाननि हमदानाय बायदिल्ला दिने उत्तराखण्ड, उत्तर प्रदेश, बिहारजो लोकोसे हादतनि माखासे ओनसोलफोराव अखा हानो हागौ। बिफाननि बायदिल्ला, दिने जम्मु-काश्मीर, हिमाचल प्रदेश, गुजरात, महाराष्ट्र, पंजाब, हरियाणा, उत्तर प्रदेश, बिहार, झारखण्ड, सोनाब बंग आरो सा-सान्जा राइज्योफोरनि माखासे बाहागोफोराव अखानि गोहोम दड'. बे समाव माखासे जायगाफोराव गोखौ बारजो



लोकोसे बरफ आरो सार-अन्थाइबो गोलैनायनि सन्देह दड'. बिफानआ उत्तराखण्डनि माखासे ओनसोलफोराव दिने अखानि रेड एलार्ट फोसावयो। उत्तराखण्डनि मोन 6 जिल्लाफोर देहरादुन, पौड़ी, टिहरी, नैनीताल, उधम सिं नगर

अखा हानायनि सन्देह दड'. बेर फारसे, चम्पावत, नैनीताल आरो ऊधमसिं नगरव गोबां अखानि अरेन्ज एलार्ट फोसावयो। गुबुन जिल्लाफोरवबो बहाबा-बहाबा अखा खोरोमनायजो लोकोसे सार-अन्थाइबो गोलैनाय हागौ बेबायदि थासारिया फेगौ 14 आगस्टसिम थाबाय थागोन। फारसेथि दिल्ली-एनसिआर आरो खाथि-खालानि ओनसोलफोराव दिनेबो सरासनखा अखा हानो हागौ। बोथोर बिफाननि बायदिल्ला, दिल्ली, नएडा, गाजियाबाद, फरिदाबाद आरो गुरुग्रामनि माखासे ओनसोलफोराव फेगौ सानथामाव गोबां अखा हानो हागौ। 14 आगस्टसिमाव देहरादुन, टिहरी, पौड़ीयाव गोबां अखानि रेड एलार्ट दड' आरो 12 आगस्टनिफ्राय 14 आगस्टसिमाव नैनीताल, उधम सिं नगर, चम्पावतयाव गोबां

गोदान दिल्ली, 11 आगस्ट: पाकिस्ताननि मोनसे गिदिर खैसार सानाय जाथाइया सोराडाव फेदो। संगालि एजेन्सिफोरनि रिपर्टनिफ्राय मिथिनो मोनो दि, भारत-पाकिस्तान सिमनायाव लाइन अफ कन्ट्रोलनिफ्राय जम्मु-काश्मीरआव एक्टिभ उतखारिफोरनि सिम हाथियारफोरखौ सौहैहोनो थाखाय उतखारि फसंधान आइजो अभा रान्डवार्कानि मदत लागसिनो दड'. रिपर्टनि बायदिल्ला, थानाय सानफोराव पिअकेनि दरसे गामियाव लाखिनाय हाथियारफोरनि मोनसे गिदिर खेपखौ भारतआरि सिमनायाव दैथाइ हरनायनि खैसार सादोमोन, जायनि गेजेरजो जम्मु-काश्मीराव एक्टिभ जानाय उतखारिफोरनि सिम सौहैहोनो थाखाय आइजो आफाद



अजिडाब्लिउनो बिबान होदो। एलअसियाव बानायनाय ए अ इ ए स नि फारसेथिजायनिफ्राय जम्मु-काश्मीराव हाथियारखौ इनजो साप्लाइ खालामनो सिगाडावबो माखासे खेब नाजादो। रेखाथि

हान्जाफोरनि नागिरनायाव जेब्लाबो अजिडाब्लिउअ मख'जायो। नाथाय रेखाथि हान्जाफोरखौ आन्दायहोनो थाखाय आइजो आफादखौ बाहायो। संगालि एजेन्सिफोरजो लोब्बा गोनां सासे बिबानगिरनि बिबानखौ गथाइदोमोन।

बायदिल्ला, सिमना बानायनिफ्राय हाथियारफोरखौ जम्मु-काश्मीराव दैथाइ हरनो थाखाय पाकिस्ताननि आइएसआइफोरा बै काश्मीरफोरखौ बाहायगासिनो दड', जायफोरा एलअसिनि गासै लामाफोरखौ मिथियो। हाथियारफोरनि मोनसे गिदिर केपखौ भारतयाव दैथाइ हरनो थाखाय थानाय सानफोराव लचिं पेडनि रेखाथियाव थानाय पिअकेनि लिपानि थागिबि लश्करनि सानै उतखारिफोरनो हाथियारफोरनि मोनसे खेपखौ जम्मु-काश्मीराव दैथाइ हरनायनि बिबानखौ गथाइदोमोन।

## लुना-25 नि लन्चआ जाफुंसारनायाव इसर'आ हामब्लाइथिहरदो



गोदान दिल्ली, 11 आगस्ट: भारतीय अखांमा संदानगा आफाद इसर'आ शुक्रबारआव रासियानि अखांमा एजेन्सि रस्कस्मसोनो बेनि अखाफोर मिशन लुना-25 नि जाफुंसारनायनि थाखाय गाहाम हामब्लाइथि हरदो। बे मिशनआ रासियानि थानाय 47 बोसोराव गिबिसिनि अखाफोर मिशन। रासियानि मिशनआ भारतनि चन्द्रयान-3 नि अखाफोराव सौहैनाय समायसिमाजो गोरोबो। मानोना भारत आरो रासिया दरनैबो हादतआ अखाफोरनि मिशनखौ फेगौ 23 आगस्टआव अखाफोरनि हा बाहागोआव बालायाहोनायनि थांखि लादो। दरनैबो हादतनि थांखिया अखाफोरनि खोला धुबआव ओंखारहोनाय गिबिसिनि हादत जानायनि। इसर'आ सशेल नेटवार्कि साइट एक्सआव मोनसे मेसेज होनानै बुंदोदि, लुना-25 नि जाफुंसारनायाव रस्कस्मसोनो हामब्लाइथि बाउहरो। जौनि अखांमा यात्राफोराव मोनसेबाव गोरोबल्लायनाय बिन्दुआव फेनाया सोमोनाथाव चन्द्रयान-3 आरो लुना-25 मोननैबो अभियानफोरनि थाखाय थांखिसिम सौहैनो हानायनि गाहाम हामब्लाइथि हरबाय। शुक्रबार फुनि समाव लन्च खालामनाय रासियानि अखांमा यानआ अखाफोरनि साखाथिसिम सौहैनायाव 5 खावसे सम नांनो हागौ। लुना-25 आ अखाफोरनि अर्बिटआव सौहैनाय आरो जोबथायाव अखाफोरनि हा सा बाहागोआव ओंखारहैनायनि सिगां बुहुमनि सोरगिदि मोनसे कक्ष लामायाव हाबहैनायनि आसा दड। मख'जाथावदि, अखाफोराव दर 3 हादतआल' जाफुंसार महरै ओंखारहैनो हादो। बयनिखुडो सिगां इउएसएसआर, बेनि उनाव अमेरिका आरो चीननि मिशनआ जाफुंसार जादो।

## चीननि दै सान्थियारि गंसे दावहारु गाथोना कलम्ब 'आव फेदो

कलम्ब, 11 आगस्ट: चीननि गोखौ नोजोर लाखिनो हाग्रा अखांमा सान्थियारि गंसे दावहारु गाथोना श्रीलंकानि कलम्ब' जाहाज गाथोनाव सौहैबाय। 1 बोसोर सिडाव चीननि गंसे संगालि जाहाजआ जेब्ला श्रीलंकानि गंसे सोलोखाथियारि जाहाज गाथोनाव सफेदोमोन अब्ला भारतआ गोथोयै जिगा फोरमायदोमोन। श्रीलंकानि दै सान्थिया बृहस्पतिवारखालि चीन सान्थि पिपुल्स लिबरेशन आर्मिनि नभेल वारिसंप हाइ यां 24 हाअआ कलम्ब गाथोनाव सौफेबाय होना मिबथिहोदो। अदेबानि बे जाहाजआ शनिवारव गिदिलांफिनगोन। कलम्बआव सौफेबाय चीननि 129 मिटर जाहाजआव सा 138 सुबुंफोरनि हान्जाया फेदो आरो कामान्दर जिन सिंहआ बेनि दैदेनगिरि। मिडियाआव गोसारनाय खौरांनि बायदिल्ला, भारतआ जिगा सिनायखौ फोरमायनायनि उनाव श्रीलंकाया चीननि जाहाज हाबफे नायाव गोनो-गोथो खालामदो। डेलि मेरर खौरां



बिलाइनि बायदिल्ला, चीननि बिबानगिरिफोरा बेनि थाखाय सिगाडावबो गनारथि बिदोमोन। नाथाय भारतनि अजद होनायनि जाहोनाव श्रीलंकाया गनारथि होनायाव गोबाव खालामदो। अदेबानि चीननि जाहाजआ श्रीलंकानिफ्राय शनिबाराव गिदिलांफिनगोन। थानाय

बोसोरनि आगस्टआव चीननि बेलेस्टिक मिसाइल आरो सेटलाइट ट्रेकिं जाहाज युआन वां-5 आ बेबायदिनो श्रीलंकानि गाथोनाव सौफेनायाव भारतआ गोखौ फिनजाथाय होदोमोन। बे जाहाजआ श्रीलंकानि हंबनतथा गाथोनाव फेदोमोन।

## माउइ द्विपनि हाग्रायाव अर नांनयनि जाहोनाव सा 53 सुबुंफोरनि जिउ ख'हा



काहुलुइ, 11 आगस्ट: आमेरिकानि प्रशान लैथोमानि गेजेराव थानाय अखांमा ओन्सोलनि द्विपफोरनि थासारिया जोबोद गात्रि। मानोना बेयावनि हाग्राया अर जौगासिनो दडआरो अरनि अलखदआव गोलैनायनि जाहोनाव खमेब्लाबो सा 53 सुबुंफोरनि जिउ ख'हा जायो। माउइ काउन्टीनि बायदिल्ला, रेहाय आरो रेखाथि खालामनाय हाबाफारिया सोलियासिनो दड। बेनि गेजेरजो लाहिनयाव नांनय गोखौ अर खामनायनि जाहोनाव

खालामनाय हाग्रा नि अर नांनयाव गासै 80 जौखोन्दोसिम सामलायनो हाखांबाय। लाहैनायाव मोब्लिबआ सिलिंखार जायो आरो माउइयाव गासै 11 रोजा सुबुंफोरा खोमसियाव थानांबाय थारो। बेनि अनगायै बेयावनि लामाफोरखौ सा 1 खो न - सि खो न खालामगासिनो दड। आमेरिकानि हादतगिरि ज' बाइडेनआ बृहस्पतिवारखालि हाग्रायाव अर नांनयाखौ मोनसे गिदिर अलखद होन्ना फोसावो। लोकोसे बाइडेन खुंथाइया 8 आगस्टनिफ्राय हाग्रायाव नांनय अरजो गोहोम गोलैनाय ओन्सोलाव राइज्यो आरो जायगानि थासारियाव साबसांहोनो नाजानायफोरखौ आबु खालामनो हेफाजाव होनो बिथोन होयो।

## मणिपुरनिफ्राय आरोबाव आइजोखौ जिनाहारि खालामनाय मोनसे जाथाया नुजाथिबावदो



इम्फल, 11 आगस्ट: सा-सान्जा मणिपुराव आइजोफोरजो लोकोसे जानाय गात्रि आखु दिन्थियाव एबा इनाइ-अनागार खालामनाय जाथाया मोनसेनि उनाव मोनसे नुजाथिगासिनो दड। मणिपुराव आरोबाव सासे आइजोआ पुलिसिनियाव जिनाहारि खालामनायनि केस थिसन्दो। मणिपुरआव सानै आइजोफोरनि सायाव इनाइ-अनागार खालामनायनि भिडिअआ भाइरेल जानायनि उनाव आथिखालाव आरोबाव खेबसे जिनाहारि केसआ

नुजाथिदो। अदेबानि मणिपुर चुराचान्दपुरनि सासे मेतेइ फोलेरनि आइजोआ कुकि फोलेरनि सुबुंफोरनि सायाव जिनाहारि खालामनायनि दाय जाबसिनो। आइजोआ पुलिसिनो फोरमायोदि, थानाय 3 मेआव कुकि फोलेरनि सुबुंफोर बिखौ जिनाहारि खालामो। आइजोआ बे केसआव एफआइआरबो थिसनो। बेनि सिगां 4 मेआव कुकि फोलेरनि सानै आइजोफोरखौ इनाइ-अनागार खालामनाय जाथायनि भिडिअआ नुजाथिदोमोन,

जायखौ हादतनाडै सोखारिदोमोन। बे केसआव दासिमाव सा 9 दायनिगिरिफोरखौ ग्रेप्टारबो खालामनाय आइजोफोरखौ इनाइ-अनागार खालामनायनि लान्थियै नुजाथिबाय थानाय केसफोरखौ लानानै सुप्रिम कर्टआबो गोखौ जादो। सुप्रिम कर्टआ महाराष्ट्रनि आगुनि डिजिपि दत्तत्रेय पटसालगिरिनो मणिपुर हिंसायारि जाथायनि नायबिजिरनायखौ नोजोर होनायनि बिबानखौ गथायो आरो दाननैनि गेजेरव रिपट बियो। मख'नो गोनांदि, गाहाइ मन्थिआ थानाय बृहस्पतिवार खालि लकसभायाव मणिपुर हिंसायारि जाथायनि सायाव बुंनानै मणिपुरनि सुबुंफोरनो फोथायनाय होयो। बिथाडा बुडे, गासै हादत आरो संसदआ बे अलखदनि समाव बिसोरखौ लोकोसे दड। लोकोसे मणिपुराव जौगाखांनयनि लामाजो दावबायफिनगोन होना खोथा होयो।

## मस्क 'आव पुतिननि न' खाथियाव अर खामनाय जाथाया सोराडाव फेदो

मस्क', 11 आगस्ट: रसियाआव बै समाव दावराव-दावसिया सोमजिखांदो जेब्ला हादतनि हादतगिरि ब्लाडिमिर पुतिननि न' खाथियाव गंसे गुदामआव अर खामो। बे जाथाया राजथावनि मस्क'आव पुतिननि न' खाथियाव जादो। रिपर्टनि बायदिल्ला रसियानि इमार्जेन्सि सिबिथाइ होग्राफोरा बृहस्पतिवारखालि फोरमायोदि, लाहिना ओन्सोलखौ सिलिंखार



ब्लाडिमिर पुतिननि मावख'यारि न' आरो भनुकव' उं गाथोनि

गेजेरव मस्क'नि सोनाब फारसे थानाय गंसे सहर अडिन्सभनि

गंसे गुदामआव अर खामो। रिपर्टआव न'भ-अगारिय'भ ओन्सोलाव पुतिननि मावख'यारि न'निफ्राय 6.5 किल'मिटर जान्थायाव थानाय गुदामआव अरआ माबोरै खामखो बेखौ फोरमायदो। खौरं एजेन्सि तासआ मोनसे इमार्जेन्सि सार्भिस् स्टेटमेन्टखौ गथायनानै बुंदोदि, मस्क'नि सम बायदिल्ला हर

गेजेरसिमाव अरसा 2,000 बर्ग मिटारसिम गोसारबायमोन। फारसेथि रसियाआ बे सप्ताहायाव मस्क' खाथियाव गंसे इउक्रेनि डून गाग्लोबनायनि खौरंखौ होदोमोन। रसियानि सान्थिया सोनाब-खोला ओन्सोलनिफ्राय फेनाय डूनखौ अखांमा रेखाथि नेम-खाथियनि गेजेरजो मस्क'नि खाथियाव गावखालायनो हादो।

## सा करियाआ सिरि-सिरियै गुन्द्रासा हाथियार बानायगासिनो दड



सियल, 11 आगस्ट: तानाशाह किम जं उरनि हादत सा करियाआ सिरि-सिरियै गुन्द्रासा हाथियार बानायगासिनो दड'। बेनि अनगायै सा करियाआ 2023 याव गुन्द्रासा हाथियार बानायनाय आरो गुन्द्रसा बानायगा मुवा बेसादिनि दिहुननायखौबो सोलिहोबाय थारो। थानाय बृहस्पतिवार खालि खौरं एजेन्सि रायटर्सआ एउएरनि मोनसे रिपर्टनि सायाव बिथा खालामना बुडे दि, बिसेरनि थांखिया राजथावनि प्यंयानि गुन्द्रासा आरो बेलिस्टिक मिसाइल हाबाफारिफोरनि थाखाय रंखाथियाव दावखलायहोनाय। रिपर्टनि बायदिल्ला, थानाय 2022 याव साइबर सिखाउ खालामनायनि रिक्ट सिफायनाय थाखोनि उनाव 1.7 बिलियन डलार डिपिआरके हेकारफोर गोब्राबै मुलुगयारि थाखोयाव साइबर क्रिप्टकारेन्सी आरो गुबुन रंखिन्थि एक्सचेन्जफोरखौ जाफुंसारै गाग्लोबनायखौ सोलिहोबाय थारो। बोसोराव खेबनै परिपदनो रिपट खालामगा मनिटरफोर सिगाडाव सा करियायनि सायाव गावसोरनि गुन्द्रासा आरो मिस इल हाबाफारिफोरखौ होबथानो थाखाय साइबर गोग्लोबनायखौ बाहायनायनि दाय जाबसिनदो। आथिखालाव सा करियाआ हेकिं एबा गुबुन साइबर गोग्लोबनायनि दायफोरखौ नेवसिगारदो।

## इन्स्टाग्रामजो बांसिन आर्जिनायनि फारिआव कहली आरो र्नाल्डआ गिबि नम्बरआव

गोदान दिल्ली, 11 आगस्ट: भारतीय क्रिकेट टीमनि स्टाट बेट्समेन भिराट कहलीआ थांनाय माखासे बोसोराव गावनि केप्टेन बिबाननिफ्राय जानगरआव थांनादोब्लाबो सोलिफु समावबो टीमनि जाफुसारनाय गेलेगिरिनि फारिआव दड। बिथाडा इन्स्टाग्रामआव गोबां फेन्स फलईफोर दड। जायनि ब्रेन्ड भेलुआ लास्त्रियै आवगायदों। कहलीआ सोलिफु बोसोराव इन्स्टाग्रामनि गेजेरजो बांसिन रं आर्जिनाय भारतीय जानो हादों। मोनसे रिपर्टनि बादिब्ला, बिथाडा 2023 आव इन्स्टाग्रामआव प्रमसनेल परस्टनि थाखाय 14 कौटि रं सार्च मोन्दों। बे फारिआव मुंदांखा फुटबलार क्रिस्टियान र्नाल्डआ मुलुगनि गेजेराव गिबि नम्बरआव जायगा मोनार्थनि उनाव मेसिआ नैथि नम्बरआव जायगा मोन्दों। र्नाल्डनि बाश्रा बुडोब्ला बिथाडा इन्स्टाग्रामआव बोसोराव 3.23 मिलियन आमेरिकान डलार,



थामहिनबा 26.75 कौटि रं आर्जिदों। गुबुन फार्से मेसिआ इन्स्टाग्रामआव मोनफ्रोम परस्टआव 1.38 मिलियन आमेरिकान डलार सार्च लायो। थामहिनबा मोनसे परस्टजों बिथानि रं आर्जिनाया 11.45 कौटिआव थाहैयो। सोलिफु समाव बे प्लेटफर्मआव बिथाडा 256 मिलियन फलवार्स दड। हपर एचक्युनिफ्राय फोसावनाय रेकर्ड

रिपर्टनि बादिब्ला, बिथाडा इन्स्टाग्रामआव मोनफ्रोम परस्टआव 1.38 मिलियन आमेरिकान डलार सार्च लायो। थामहिनबा मोनसे परस्टजों बिथानि रं आर्जिनाया 11.45 कौटिआव थाहैयो। सोलिफु समाव बे प्लेटफर्मआव बिथाडा 256 मिलियन फलवार्स दड। हपर एचक्युनिफ्राय फोसावनाय रेकर्ड

बादिथै थांनाय माखासे बोसोराव इन्स्टाग्रामआव माखासे गेलेगिरिफोरनि रं आर्जिनाया बादों। बे फारिआव भारतनि बलिउड आरो हलिउडनि फावखुंघि प्रियंका चप्रा जनासआ 29 नम्बरआव जायगा आवगियो। रिपर्टनि बादिब्ला, बिथाडा मोनफ्रोम परस्टआव 4.40 कौटि रं सार्च लायो।

## वर्ल्ड सेम्पियनसिपआव सिन्धु आरो सात्विक-सिरागनि जराआ गिबि राउन्डआव बाइ मोन्दों

गोदान दिल्ली, 11 आगस्ट: बेडमिन्टन वर्ल्ड सेम्पियनसिपनि गिबि राउन्डआव भारतनि मुंदांखा शाटलार पिभि सिन्धुआ बाइ मोन्दों। गुबुन फार्से किदाम्बि श्रीकान्तआ जापाननि केन्ता निशिमत 'नि हें थायै गावनि गेलेनायखो जागायगोन। नैथि रेकिनि आरो थांनाय सिजनआव ब्रन्ज मेडेल देरहानाय सात्विकसाइराज रेन्किरेडु आरो सिराग शेड्ढिनि जराआबो बाइ मोन्दों। मुलुगनि नम्बर 2 सात्विक-सिरागनि जराआ नैथि राउन्डआव आयारलेण्डनि जशुआ मेगी-पल रेनल्डस एबा अस्ट्रेलियानि केनेथ ड्रे हुइ चु-मिं चुएन लिमनि जराजों सेलेन्ज मोनगोन। वर्ल्ड बेडमिन्टन



फे डारेसनआ गाहाइ डू फोसावदों। गासै सा 16 भारतीय शाटलारफोरा डुनि फारिआव दड। जायनि गेजेराव साब्रैआ सिंगेल

फे डारेसनआ गाहाइ डू फोसावदों। गासै सा 16 भारतीय शाटलारफोरा डुनि फारिआव दड। जायनि गेजेराव साब्रैआ सिंगेल

इभेन्टफोयव बाहागो लागोन। प्रनय आरो सात्विकसाइराज रेन्किरेडु-सिराग शेड्ढिनि जराआल' टप-10 रेंकआव लाखिजादों। पिभि सिन्धुआ नैथि राउन्डनिफ्राय जापाननि नजमी अकुहार ओ भियेतनामनि थुए लिन्ह नुयेनि गेजेराव सासेजों जागायगोन। बिथामोननि अनगायै भारतनिफ्राय एड्सएस प्रनय, लक्ष्य सेन आरो किदाम्बि श्रीकान्तनि साथाम टीमआ होवा सिंगेल्सआव सेलेन्ज लाखिगोन। गिबि राउन्डआव 9 थि रेकिनि प्रनयआ फिनलेन्डनि काले कलजनेनजों बादायगोन। गुबुन फार्से 11 थि रेकिनि लक्ष्य सेनआ मरिशसनि जर्जेस जुलियन पालजों जागायगोन।



## MERI MAATI MERA DESH

Maati ko Naman, Veeron ka Vandan

Celebrating Independence with Jan Bhagidari

9-15 AUGUST 2023

Take Panch Pran Pledge holding mitti/mitti ka diya and upload a selfie on [yuva.gov.in](http://yuva.gov.in)



13-15 AUGUST 2023

Take a selfie with Tiranga and upload on

[harghartiranga.com](http://harghartiranga.com)



Upload selfies and be a part of the glorious celebrations

Published by Directorate of Information and Public Relations, Assam Connect with us @diprassam @diprassam.gov.in

Subscribe to Asom Barta Whatsapp 'Assam' at 8287912158

Janasanyog/D/8701/23



## INTERNATIONAL YOUTH DAY

12 August 2023

Theme

Green Skills for Youth: Towards a Sustainable World

Dr. Himanta Biswa Sarma  
Chief Minister, Assam

"We must remain committed to the society from which we have emerged. Our youth must be committed to building a society based on integrity and ethical values."

Follow the steps for protection from HIV

- 1 Avoid unprotected sex; Use condom
- 2 Avoid sharing needles and syringes
- 3 Avoid drug use through injections
- 4 Take blood from licensed and registered blood banks only



If you have indulged in high-risk behaviour like unprotected sex and injecting drugs, get yourself tested for HIV at the Integrated Counselling and Testing Centre (ICTC) in Government Hospitals near you

Start talking about HIV amongst peers. Ask questions on HIV.

Call toll free number 1097

Assam State AIDS Control Society, Khanapara, Guwahati

officialASACS officialasacs officialASACS ASACS

PUBLISHED BY DIRECTORATE OF INFORMATION AND PUBLIC RELATIONS, ASSAM Connect with us @diprassam dipr.assam.gov.in

Subscribe to Asom Barta Whatsapp 'Assam' at 8287912158

Janasanyog/D/8738/23